

Broj: 02-33-2951/22
Sarajevo, 16.05.2022.godine

ZASTUPNIČKI DOM
PARLAMENTA FEDERACIJE BIH
n/p Tajnika

ZASTUPNIČKI DOM
PARLAMENTA FEDERACIJE BIH
N/p Gđa. Jasmina Zubić, zastupnica

VLADA FEDERACIJE BIH
n/p Tajnika

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilazeno: 19-05-2022			
Broj pred.	Broj	Priloga	Vrijednost
05/1	-02-	159	122

PREDMET: Odgovori na zastupnička pitanja – dostavljaju se

Veza: Akt Tajnika Vlade Federacije BiH broj: 03-04-559-14/22 od
06.05.2022.godine

Poštovana/i,

Federalno ministarstvo zdravstva zaprimilo je akt Tajnika Vlade Federacije Bosne i Hercegovine broj: 03-04-559-14/22 od 06.05.2022.godine, sa zastupničkim pitanjima na koja se traži odgovor. Naime, uvažena Jasmina Zubić zastupnica u Zastupničkom domu Parlamenta Federacije, postavila je zastupnička pitanja iz oblasti zdravstva. S tim u svezi, u pritvku akta dostavljamo Vam odgovor Federalnog ministarstva zdravstva.

S poštovanjem,

po ovlaštenju Vlade FBiH
POMOĆNIK MINISTRA
Ubera
Prim.dr. Marina Bera

PRIVITAK:
- Kao u tekstu

ODGOVOR
NA ZASTUPNIČKO PITANJE JASMINE ZUBIĆ
ZASTUPNICE U ZASTUPNIČKOM DOMU
PARLAMENTA FEDERACIJE BOSNE I HERCEGOVINE

I

Jasmina Zubić, zastupnica u Zastupničkom domu Parlamenta Federacije Bosne i Hercegovine, je na 32. redovitoj sjednici Zastupničkog doma Parlamenta Federacije BiH, održanoj 27. travnja 2022. godine, postavila sljedeće pitanje:

„Da li su kantonalna ministarstva obrazovanja dužna obezbijediti prava na obavezno zdravstveno osiguranje studentima koji nisu osigurani po drugom osnovu do kraja redovne upisane školske godine ako su upisani kao redovni studenti do navršene 26. godine života a u skladu sa članom 25. Zakona o zdravstvenom osiguranju?

Ja sam prošlu sjednicu dostavila Inicijativu kantonalnim zavodima jer sam saznala da se studentima koji su redovno upisani do 26. godine neki kantonalni zavodi, odnosno ministarstva obrazovanja obustavljaju pravo na zdravstvenu zaštitu u toku te godine u koju su redovno upisani.

Želim da stav po ovom pitanju da Federalno ministarstvo jer sam na moju inicijativu dobila različite odgovore od nekih kantona. Vidim da se to različito tumači pa želim da dobijem zvaničan stav Federalnog ministarstva zdravlja kako bi svi kantoni bili u obavezi jednako primjenjivati ovu odredbu i omogućiti redovnim studentima da koriste pravo na zdravstvenu zaštitu do kraja godine redovno upisane školske godine ako su je naravno upisali do navršene 26. godine. To je pitanje i jedna urgencija.“

II

Na postavljena zastupnička pitanja Federalno ministarstvo zdravstva daje sljedeći

ODGOVOR

Člankom 19. Zakona o zdravstvenom osiguranju („Službene novine Federacije BiH“, br. 30/97, 7/02, 70/08, 48/11 i 36/18) taksativno su nabrojani osiguranici odnosno lica koja imaju pravo na obvezno zdravstveno osiguranje.

Pod točkom 13a. spomenutog članka, utvrđeno je da djeca od rođenja, kao i djeca za vrijeme redovitog školovanja u osnovnim i srednjim školama, odnosno studiranja na višim i visokim školama, te fakultetima, koja su državljani Bosne i Hercegovine sa prebivalištem na teritoriji Federacije, a nisu zdravstveno osigurana kao članovi obitelji osiguranika, ali najduže do navršene 26. godine života, također ostvaruju izvorno pravo na zdravstveno osiguranje.

Nadalje, člankom 25. Zakona o zdravstvenom osiguranju je propisano da učenici srednjih škola i redoviti studenti viših i visokih škola te fakulteta koji su državljani Federacije Bosne i Hercegovine i imaju prebivalište na teritoriji Federacije, a nisu zdravstveno osigurani kao članovi obitelji osiguranika, imaju pravo na zdravstvenu zaštitu u istom obimu kao i članovi obitelji osiguranika.

Članovi obitelji učenika i redovitih studenata iz stavka 1. ovog članka (supružnik i djeca) imaju pravo na zdravstvenu zaštitu u obimu utvrđenom za članove obitelji, ako im zdravstvena zaštita ne pripada po drugom osnovu.

Pravo na zdravstvenu zaštitu iz st. 1. i 2. ovog članka pripada licima dok imaju svojstvo učenika, odnosno redovitog studenta.

Temeljem članka 86. spomenutog zakona utvrđeni su i nabrojani obveznici obračunavanja i uplate doprinosa za obvezno zdravstveno osiguranje. Tako je u točki 8. propisano da je tijelo uprave kantona mjerodavno za obrazovanje obveznik uplate doprinosa - za učenike odnosno studente koji nisu osigurani po drugoj osnovi u skladu sa člankom 19. točka 13a. Zakona, kao i za učenike odnosno studente koji vrše praktičan rad u vezi sa nastavom.

Napominjemo da je člankom 87. Zakona o zdravstvenom osiguranju naznačeno da Porezna uprava Federacije Bosne i Hercegovine vrši kontrolu obračunavanja i uplate doprinosa temeljem Zakona o doprinosima ("Službene novine Federacije BiH" broj: 35/98, 54/00, 16/01, 37/01, 1/02, 17/06, 14/08, 91/15 i 104/16), kao i članku 23. Zakona o jedinstvenom sistemu registracije, kontrole i naplate doprinosa ("Službene novine Federacije BiH", broj: 42/09, 109/12 i 86/15).

Ovom prilikom naglašavamo da s obzirom da je područje zdravstva sukladno Ustavu Federacije BiH u podijeljenim ovlastima između Federacije BiH i kantona, u izradi propisa iz oblasti zdravstva svi zakoni u postupku izrade se dostavljaju na konzultacije svim kantonima, sa obrazloženjem svih pravnih rješenja. Tako i u izradi naprijed navedenih propisa kantonalna ministarstva zdravstva, kantonalni zavodi zdravstvenog osiguranja, kao i svi drugi zainteresirani, tijekom konzultacija su bili upoznati sa svim rješenjima, imali mogućnost za davanje komentara i sugestije na određena rješenja.

Iz navedenog je jasno da su sva kantonalna ministarstva zdravstva, kao i kantonalni zavodi zdravstvenog osiguranja ne samo upoznata sa zakonskim rješenjima, nego su i učestvovala u izradi istih.

Smatramo da navedeno pitanje, treba uputiti na očitovanje i kantonalnim ministarstvima za obrazovanje, nauku i mlade jer su ista obveznici obračunavanja i uplate doprinosa za studente koji nisu osigurani po drugom osnovu (ali najduže do 26. godine života), a što je sukladno članku 86. Zakona o zdravstvenom osiguranju.